

ԼՂԻՄ-Ի ԻՐԱԴՐՈՒԹՅԱՆ ՇՈՒՐՋԸ

Լեոնային Ղարաբաղի Ինքնավար Մարզում իրադրությունը վերահսկում են ԽՍՀՄ ՆԳՄ ներքին գործերի ստորաբաժանումները և սեղի միլիցիան: Անցած երկուշաբթին և հուլիսի լույս 18-ի գիշերը այստեղ անցան համեմատաբար հանգիստ:

Այն կապակցությամբ, որ իրավակարգի պահպանման հիմնական ծառայությունը վարում են ներքին գործերը, որոշված է խորհրդային բանակից հատուկ շրջանի զինվորական պարետ, գնդապետ Գ. Մուսատովի փոխարեն պարետ Աշանակել ներքին գործերի գեներալ-մայոր Վ. Սաֆոնովին:

Ցավոք, երեկ՝ հուլիսի 17-ին էլ մարզային հեռուստատեսությունը հնարավորություն չունեցավ իր ծրագրով եթեր դուրս գալ, քանի որ Շուշի վերահեռարձակիչ կայանի աշ-

խատողները չէին միացրել համապատասխան հեռուստահաղորդման կանալը: Ծարունակում է լույս չտեսնել մահ «Խորհրդային Ղարաբաղ» — «Սովետսկի Կարաբախ» թերթը:

Կուսակցության Ստեփանակերտի քաղկոմի բյուրոյի և ժողովրդական դեպուտատների քաղաքային խորհրդի գործկոմի հերթական համատեղ նիստում քննարկվեց ԽՍՀՄ Գերագույն խորհրդի ԼՂԻՄ-ի հարցերով զբաղվող հանձնաժողովի առաջիկայում ինքնավար մարզ գալու հարցը: Ընդգծվեց, որ անհրաժեշտ է պայմաններ ստեղծել նրա նորմալ աշխատանքի համար:

— Ես հանձնաժողովի եզրակացությունից շատ ակընկալիքներ ունեմ, — Արմենապետի թղթակցին ասաց ԽՍՀՄ ժողովրդական դեպուտատ Բո-

րիս Դադամյանը: — Ժամանակն ապացուցել է, որ ԼՂԻՄ-ի պրոբլեմի լուծման ձգձգումը երկրի քարտեզին մերկացրել է ազգամիջյան հարաբերություններին վերաբերող ավելի ու ավելի շատ ցավոտ կետեր: Գտնում եմ, որ երկրի դեկավարությունը այսօրվա դրությամբ բավական խորամուխ է եղել ղարաբաղցիների բարձրացրած հարցի էությանը, որն անպայման քաղաքական լուծում է պահանջում: Մարզի սոցիալ-տնտեսական զարգացմանը միտված ջանքերը միայն հաջողության չեն հանգեցնի, քանի որ մեր շարժումը հույժ ազգային է, արմատապես գերծ ազգայնական գաղափարներից: Ղարաբաղցիները, ի լուր ամենքի հայտարարելով իրենց իղձերը, ելել և ելնում են ազգերի ինքնորոշման իրավունքից: Այսինքն, մենք

չենք պնդում, թե չենք ուզում ապրել ադրբեջանցիների հետ: Հարցն այլ է. ինչու մենք՝ Արցախի հայերս, չենք կարող ապրել Խորհրդային Հայաստանի հետ միևնույն ընտանիքում:

Ես լավատես եմ, — շարունակեց Բ. Դադամյանը: — Եթե արդարություն կա, ապա այն պետք է դրսևորվի Ղարաբաղի պրոբլեմի առնչությամբ: Կցանկանայի հուսալ, որ հանձնաժողովին կհաջողվի ըմբռնել ղարաբաղցիների պահանջների արդարացիությունը: Իմ կարծիքով, ներկա փուլում առնվազն հարկավոր է մարզում մտցնել պրեզիդենտական կառավարում: Սա պետք է հարմար գա ինչպես հայկական, այնպես էլ ադրբեջանական կողմին:

Ա. ԳՐԻԳՈՐՅԱՆ

(Արմենապետի սեփ. թղթ.)

Ստեփանակերտ